

որոց քաւշաններն ևս Խաչուլայ կը պատկանէին քանի տարի առաջ:

Գիւղս $\frac{1}{4}$ ժամ գետի յարեւելս Խաչուլ կոչուած բլրակի մի տակ հաստատուած է: մի այլ (Ճօճեր) ձորակի ձախ ափին վերայ: Ունէր մի աղբիւր, գտնուեցաւ մի աղբիւրի ազուգայներ ի հինաուրց, տեղ տեղ նորոգելով՝ զայն ևս բերած են:

Գիւղս նոր շինուած մի եկեղեցի ունի, նաև մի աննշան ուսումնարան, և բաւական աշակերտ:

Գերեզմանատունը զիւղիս հիւսիսն շատ զաւելիւրի մը գլուխը հաստատուած է: 3000-ի չափ կոշտ տապանաքարեր բռնած են մի ընդարձակ զառիվայր: Շատ մեծ դժուարութեամբ 7-800 մեթր ելը կը բարձրացնեն ննջեցեալներն: Այստեղ 10 արտավար տարածութիւն ունի և հակեալ ի հարաւ:

Ի վաղուց այս վայրը վանք լինելով ժողովուրդը կապուած է սրբավայրիս և չուզեր բաժանուել:

Նոր շինած եկեղեցւոյն որմերու մէկ մասն այս տապանաքարերով հիւսուած է:

Աստ աւանդութեան գերեզմաննոցի դարի վերայ կանգնած էր մի խաչ, որ ճառագայթներն կը սփռէր ի դաշտ, դաշտային զիւղացիք խաչի ճառագայթներու ցորացման պատճառաւն Խաչուլս անուանած են, յետոյ Խաչուլ ասուած է: Գերեզմանատան շուրջը պարսպի հետքեր կան:

Այս զիւղացւոց վիճակն այլ զիւղօրէից հետ բաղդատելով լաւ է, ունին ընդարձակ և բերրի վարելահողեր, լեռնային մասի մէջ բազմաթիւ մարդագետիններ, որոց մի քանիին անունները կներկայացնեմ: Թունտրիկներ, Խաչիկ, Եղման կամ Երգման ձոր, Կարմիր քար,